

麻呂等是也。並坐事被誅，冤魂成厲。近代以來，疫病繁發，死亡甚衆。天下以爲此災御靈之所生也。始自京畿，爰及外國，每至夏天秋節，修御靈會，往々不斷。或禮佛說經，或歌且舞，令里貫之子，靚粧馳射，膂力之士，袒裼相撲，騎射呈藝，走馬爭勝，倡優曼戲，遞相誇競，聚而觀者，莫不填咽。遐邇因循，漸成風俗。今茲春初，咳逆成疫，百姓多斃。朝廷爲祈，至是乃修此會，以賽宿禱也。

〔三代實錄清和九〕貞觀六年七月十一日乙未，加賀出雲兩國疾疫。十一月十二日乙未，勅命五畿內并山陽南海兩道預鎮謝疫，兼轉讀般若大乘，以神祇官奏言彼諸國可有天行也。

〔三代實錄清和十〕貞觀七年五月十三日癸巳，延僧四口於神泉苑，讀般若心經，又僧六口，七條大路行分配朱雀道東西朝夕二時，讀般若心經，夜令佐比寺僧惠照修疫神祭，以防災疫，預仰左右京職，令東西九箇條男女，人別輸一錢，以充僧布施供養，欲令京邑人民賴功德免天行也。

〔三代實錄清和十二〕貞觀八年二月十四日庚申，神祇官奏言肥後國阿蘇大神懷藏怒氣，由是可發疫癘擾隣境兵，勅國司潔齋，至誠奉幣，并轉讀金剛般若經千卷，般若心經萬卷，太宰府司於城山四王院轉讀金剛般若經三千卷，般若心經三萬卷，以奉謝神心，消伏兵疫。

〔三代實錄清和二十〕貞觀十三年十二月十四日乙卯，陰陽寮言明年當有天行之災。又古老言，今年衆木冬華，昔有此異，天下大疫，勅令五畿七道諸國，頒幣境內諸神，於國分二寺，轉經禱冥，助於佛神，銷凶札於未萌。

〔日本紀略醍醐〕昌泰元年六月廿二日，依天下疾疫，遣宣命使於藤原夫人桓武夫吉子，墳墓。七月八日丙子，依疾疫，停諸國京上相撲人。

〔扶桑略記醍醐二十四〕延長六年四月廿八日，四五月間，疾疫最甚，五位已上多亡。五月廿二日，臨時御讀經，請百僧紫宸殿爲消除，都下疾疫，轉讀大般若經。七年三月，京畿諸國疫癘流行，死者溢路，宣旨云，左大臣宣奉勅，傳聞真言教中，有除疫死法，宜令座主法橋上人位尊意早修其法，攘災疫者，謹依綸旨。